



INSTITUTE OF ANCIENT
NEAR EASTERN STUDIES
Charles University
Prague

መጽሐፈ:ሄኖክ::

The Book of Enoch

Book IV
The Book of Dreams

Electronic edition of Ethiopic text
prepared by Michal Jerabek

THIS TEXT CANNOT BE SOLD UNDER ANY CIRCUMSTANCES.

Library of Ethiopian Texts, <http://anes235-1.ff.cuni.cz>, Prague

© Michal Jerabek, Prague 1995

Copyright Notice:

1995 Library of Ethiopian Texts, created and maintained by Michal Jerabek, Prague. Permission to use, copy, and distribute this text, for any NONCOMMERCIAL purpose is hereby granted without fee, provided that the copyright notice and this permission notice appear in all copies of this text. This text cannot be sold under any circumstances.

Preface:

This e-text is based on: A.Dillmann's *Liber Henoch aethiopice, ad quinque codicum fidem editus cum variis lectionibus*, Leipzig, 1851.

Please, report any error in Ethiopic text to
michal.jerabek@ff.cuni.cz.

Leave you e-mail address and you will be prompted after the corrections are made so that you can upload corrected version.

Comments are welcome.

ምዕራፍ፡ ፲ ወ ፮፡፡

ክፍል፡ ፹፫፡፡

ወይእኬኒ፡ አርእየከ፡ ወልድየ፡ ማቱሳላ፡ ኩሎ፡ ራእያተ፡ እለ፡ ርኢኩ፡ በቅድሜከ፡ እነግር፡፡

ክልኤተ፡ ራእያተ፡ ርኢኩ፡ እንበለ፡ እንሣእ፡ ብእሲተ፡ ወ ፩ ሂ፡ እምኔሆሙ፡ ኢይትማሰል፡ እለለ፡ ካልኡ፡ ቀዳማየ፡ አመ፡ እትሜሐር፡ መጽሐፈ፡ ወካልኦ፡ ዘእንበለ፡ እንሣእ፡ እመከ፡ ርኢኩ፡ ራእየ፡ ጽኑዕ፡ ወበእንቲኦሆሙ፡ አስተብቂዕክዎ፡ ለእግዚእ፡ ፡፡ ስኩበ፡ ኮንኩ፡ በቤተ፡ መላልኤል፡ እምሔውየ፡ ርኢኩ፡ በራእይ፡ ሰማይ፡ ይትነፃፃ፡ ወይትሐየድ፡ ወይወድቅ፡ ዲበ፡ እድር፡፡

ወሶበ፡ ይወድቅ፡ ዲበ፡ እድር፡ ርኢክዎ፡ ለምድር፡ ከመ፡ ትትወሐጥ፡ ውስተ፡ ቀላይ፡ ዐቢይ፡ ወአድባር፡ ዲበ፡ አድባር፡ ይሰቀሉ፡ ወአውግር፡ ዲበ፡ አውግር፡ ይሠጠሙ፡ ወዕፀው፡ ነዋኃን፡ ይትገዘሙ፡ እምጉንዳቲሆሙ፡ ወይትገደፉ፡ ወይሠጠሙ፡ ውስተ፡ ቀላይ፡፡

ወእምኔሁ፡ ወድቀ፡ ነገር፡ ውስተ፡ አፋየ፡ ወአንሣእኩ፡ እጽራሕ፡ ወእቤ፡ ተሐጉለት፡ እድር፡፡

ወመላልኤል፡ እምሔውየ፡ አንሥኢ፡ እንዘ፡ አነ፡ እሰክብ፡ ኅቤሁ፡ ወይቤለኒ፡ እንት፡ ከመዝ፡ ትጸርሕ፡ ወልድየ፡ ወለምንት፡ ከመዝ፡ ተዐወደ፡፡

ወነገርክዎ፡ ኩሎ፡ ራእየ፡ ዘርኢኩ፡ ወይቤለኒ፡ ከመ፡ ጽኑዕ፡ ርኢኩ፡ ወልድየ፡ ወኅየለ፡ ርእየ፡ ሕልምከ፡ ኅቡአተ፡ ኩሎ፡ ኅጢአተ፡ እድር፡ ወትሰጠም፡ ሀለወት፡ ውስተ፡ ቀላይ፡ ወተሐጉል፡ ሐጉለ፡ ዐቢየ፡፡

ወይእኬኒ፡ ወልድየ፡ ተንሥእ፡ ወአስተብቂዕዎ፡ ለእግዚእ፡ ስብሐት፡ እስመ፡ መሀይምን፡ አንተ፡ ከመ፡ ይትርፍ፡ ትራፍ፡ ዲበ፡ እድር፡ ወኢይደምስሳ፡ ለኩላ፡ እድር፡፡

ወልድየ፡ እምሰማይ፡ ይሄሉ፡ ዝኩሉ፡ ዲበ፡ እድር፡ ወዲበ፡ እድር፡ ይከውን፡ ሐጉል፡ ዐቢይ፡፡

ወእምኔሁ፡ ተንሣእኩ፡ ወጸለይኩ፡ ወአስተብቂዕኩ፡ ወጸሎትየ፡ ጸሐፍኩ፡ ለትውልደ፡ ዓለም፡ ወኩሎ፡ አርእየከ፡ ወልድየ፡ ማቱሳላ፡፡

ወሶበ፡ ወጸእኩ፡ ታሕተ፡ ወርኢክዎ፡ ለሰማይ፡ ወለፀሐይ፡ ይወጽእ፡ እምሥራቅ፡ ወወርኅ፡ ይወርድ፡ እምዕራብ፡ ወውሐዳት፡ ከዋክብት፡ ወኩሎ፡ ዘአእመረ፡ ዲበ፡ ቀዳሚ፡ ወበረክዎ፡ ለእግዚእ፡ ኩነኔ፡ ወሎቱ፡ ወሀብኩ፡ ዕባየ፡ እስመ፡ አውፅኦ፡ ፀሐየ፡ እመሣክወ፡ እሥራቅ፡ ወዐርገ፡ ወሠረቀ፡ ዲበ፡ ገጸ፡ ሰማይ፡ ወተንሥእ፡ ወየሐውር፡ ፍኖተ፡ እንተ፡ ተርእየት፡ ሎቱ፡፡

ክፍል፡ ፹፬፡፡

ወአልዓልኩ፡ እደውየ፡ በጽድቅ፡ ወበረክዎ፡ ለቅዱስ፡ ወለዐቢይ፡ ወነገርኩ፡ በመንፈሰ፡ አፋየ፡ ወበልሳነ፡ ሥጋ፡ እንተ፡ ገብረ፡ እምላክ፡ ለውሎደ፡ ሰብእ፡ ከመ፡ ይትናገሩ፡ ባቲ፡ ወወሀብሙ፡ መንፈሰ፡ ወልሳነ፡ ወአፈ፡ ከመ፡ ይትናገሩ፡ ቦቱ፡፡

ቡሩክ፡ አንተ፡ እግዚእ፡ ንጉሥ፡ ወዐቢይ፡ ወኅያል፡ በዕባየ፡ ዘኢክ፡ እግዚእ፡ ኩሎ፡ ፍጥረተ፡ ሰማይ፡ ንጉሠ፡ ነገሥት፡ ወአምላክ፡ ኩሎ፡ ዓለም፡ መለኮትከ፡ ወመንግሥትከ፡ ወዕባይከ፡ ይነብር፡ ለዓለም፡ ወለዓለመ፡ ዓለም፡ ወለኩሎ፡ ትውልደ፡ ትውልድ፡ ስልጣንከ፡ ወኩሎሙ፡ ሰማያት፡ መንበርከ፡ ለዓለም፡ ወኩላ፡ እድር፡ መከየደ፡ እገሪከ፡ ለዓለም፡ ወለዓለመ፡ ዓለም፡፡

እስመ፡ አንተ፡ ገበርከ፡ ወኩሎ፡ አንተ፡ ትመልክ፡ ወኢይጸንዐከ፡ ግብር፡ ወኢ፩ ወኢአሐቲ፡ ጥቡብ፡ ኢተኅልፈከ፡ ወኢትትመየጥ፡ እመንበርታ፡ እንባሪከ፡ ወኢእምገጽከ፡ ወአንተ፡ ኩሎ፡ ተአምር፡ ወትሬኢ፡ ወትሰምዕ፡ ወአልቦ፡ ዘይትኅባእ፡ እምኔከ፡ እስመ፡ ኩሎ፡ ትሬኢ፡፡

ወይእኬኒ፡ መላእክተ፡ ሰማያቲከ፡ ይኤብሱ፡ ወዲበ፡ ሥጋ፡ ሰብእ፡ ትከውን፡ መዐትከ፡ እስከ፡ ዕለተ፡ ዐባይ፡ ኩነኔ፡፡

ወይእዜኒ : አምላክ : ወእግዚእ : ወንጉሥ : ዐቢይ : አስተባባሪ : ወእስክል : ከመ : ታቅም :
 ሊተ : ስእለትየ : ከመ : ታትርፍ : ሊተ : ደኃሪተ : ውስተ : እድር : ወኢታጥፍእ : ኩሎ :
 ሥጋ : ሰብእ : ወኢታዕርቃ : ለምድር : ወይከውን : ሐጉል : ለዓለም ::
 ወይእዜኒ : እግዚእየ : አጥፍእ : እምዲበ : እድር : ሥጋ : አምዕዕተከ : ወሥጋ : ጽድቅ :
 ወርትዕ : አቅም : ለተክለ : ዘርእ : ለዓለም : ወኢትሰውር : ገጸከ : እምስእለተ : ገብርከ : እግ
 ዚኦ ::

ምዕራፍ : ፲ ወ ፯ ::

ክፍል : ፹፭ ::

ወእምድኅረዝ : ካልአ : ሕልመ : ርኢኩ : ወኩሎ : አርእየከ : ወልድየ ::
 ወአንሥአ : ሄዓክ : ወይቤ : ለወልዱ : ማቲሳሳ : ለከ : እብለከ : ወልድየ : ሰማዕ : ነገርየ :
 ወአጽንን : እዝከ : ለርእየ : ሕልመ : አብከ ::
 እንበለ : እንሥአ : ለእምከ : እድና : ርኢኩ : በራእይ : በምስካብየ : ወናሁ : ወጽኦ : ላህም :
 እምድር : ወኮነ : ዝኩ : ላህም : ፀዐዳ : ወእምድኅረሁ : ወጽኦት : ጣዕዋ : አንስቲያዊት : አሐ
 ቲ : ወምስሌሃ : ወጽኦ : ካልእ : ጣዕዋ : ወእምኔሆሙ : ኮነ : ጸሊመ : ወ፩ ቀይሐ ::
 ወጉድኦ : ዝኩ : ጸሊም : ጣዕዋ : ለቀይሕ : ወተለዎ : ዲበ : እድር : ወኢክህልኩ :
 እምሰቤሃ : ርእዮቶ : ለዝኩ : ቀይሕ : ጣዕዋ ::
 ወዝኩ : ጣዕዋ : ጸሊም : ልህቀ : ወመጽኦት : እስሌሁ : እንትኩ : ጣዕዋ : አንስቲያዊት :
 ወርኢኩ : እምኔሁ : ዘይወጽኦ : አልህምተ : ብዙኃነ : እንዝ : ይመስልዎ : ወይተልው :
 ድኅረሁ ::
 ወእንታክቲ : ዕጉልት : አንስቲያዊት : እንታክቲ : ቀዳሚት : ወጽኦት : እምቅድመ : ገጸ :
 ዝኩ : ላህም : ቀዳሚ : ኅሠሠቶ : ለውእቲ : ጣዕዋ : ቀይሕ : ወኢረከበቶ : ወአውየወት :
 ሰቤሃ : አውያተ : ዐበይተ : ወኅሠሠቶ ::
 ወርኢኩ : እስከ : መጽኦ : ዝኩ : ላህም : ቀዳሚዊ : ኅቤሃ : ወአርመማ : ወእምደእቲ : ጊዜ :
 ኢጸርሐት ::
 ወእምድኅረዝ : ወለደት : ካልአ : ላህመ : ጸዐዳ : ወእምድኅረሁ : ወለደት : አልህምተ :
 ብዙኃነ : ወዕጉተ : ጸሊማነ ::
 ወርኢኩ : በንዋምየ : ዝኩ : ሰር : ጸዐዳ : ወከመዝ : ልህቀ : ወኮነ : ሰረ : ጸዐዳ : ዐቢየ :
 ወእምኔሁ : ወጽኦ : አልህምት : ብዙኃነ : ጸዐዳ : ወይመስልዎ ::
 ወወጠኩ : እንዝ : ይወልዱ : አልህምተ : ብዙኃነ : ጸዐዳ : ወእለ : ይመስዎሙ : ወተለዎ : ፩
 ለካልኦ ::

ክፍል : ፹፮ ::

ወካዕበ : ርኢኩ : በአዕይንትየ : እንዝ : እነውም : ወርኢኩ : ሰማየ : መልዕልተ : ወነዋ : ፩
 ኮከብ : ወድቀ : እምሰማይ : ወይትሌዐል : ወይበልዕ : ወይትረዐይ : ማእከለ : እልኩ :
 አልህምት ::
 ወእምዝ : ርኢኩ : አልህምተ : ዐቢያነ : ወጸሊማነ : ወናሁ : ኩሎሙ : ወለጡ : እዕያሞሙ :
 ወምርዓዮሙ : ወአጣዕዋሆሙ : ወአኅዙ : የዓውደው : ፩ እስለ : ካልኦ ::
 ወካዕበ : ርኢኩ : በራእይ : ወነጸርክዎ : ለሰማይ : ወነዋ : ርኢኩ : ከዋክብተ : ብዙኃነ :
 ወወረዱ : ወተገድፉ : እምሰማይ : ኅበ : ዝኩ : ኮከብ : ቀዳሚዊ : ወማእከለ : እልኩ : ጣዕዋ :
 ወአልህምት : ኮነ : ምስሌሆሙ : ይትረዐይ : ማእከሎሙ ::
 ወነጸርክዎሙ : ወርኢኩ : ወነዋ : ኩሎሙ : አውፅኦ : ኅፍረታቲሆሙ : ከመ : አፍራስ :
 ወአኅዙ : ይዕርጉ : ዲበ : እጉላተ : አልህምት : ወፀንሳ : ኩሎን : ወወለዳ : ነጌያተ : ወአግ
 ማለ : ወአዕዱገ ::
 ወኩሎሙ : አልህምት : ፈርህዎሙ : ወደንገፅ : እምኔሆሙ : ወአኅዙ : እንዝ : ይኔዝሩ :
 በስነኒሆሙ : ወይውሕጡ : ወይወግኡ : በአቅርንቲሆሙ ::

ወአኅዙ፡ እንከ፡ ይብልዕዎሙ፡ ለእኩ፡ አልህምት፡ ወነዋ፡ ኩሎሙ፡ ውሎደ፡ እድር፡ አኅዙ፡ ይርዐዱ፡ ወያድለቅልቁ፡ እምኔሆሙ፡ ወይንፍጹ፡፡

ክፍል፡ ፹፯፡፡

ወካዕበ፡ ርኢክዎሙ፡ ወአኅዙ፡ እንከ፡ ይወግኦ፡ ፩ ለካልኡ፡ ወይውኅጦ፡ ፩ ለካልኡ፡ ወምድር፡ አኅዙት፡ ትጽራሕ፡፡ ወአንሣእኩ፡ አዕይንትዮ፡ ካዕበ፡ ውስተ፡ ሰማይ፡ ወርኢኩ፡ በራእይ፡ ወነዋ፡ ወጽኡ፡ እምሰማይ፡ ከመ፡ አምሳለ፡ ሰብእ፡ ጸዐዳ፡ ወ ፩ ወጽኦ፡ እምውእቱ፡ መካን፡ ወ ፫ እስሌሁ፡፡
ወእሙንቱ፡ ፫ እለ፡ ወጽኡ፡ ድኅረ፡ አኅዙኒ፡ በእዴዮ፡ ወአንሥኡኒ፡ እምትውልደ፡ እድር፡ ወአልዐሉኒ፡ ዲበ፡ መካን፡ ነዋኅ፡ ወአርአዩኒ፡ ማኅፈደ፡ ነዋኅ፡ እምድር፡ ወኮነ፡ ሕፁፁ፡ ኩሎ፡ አውግር፡፡
ወይቤሉኒ፡ ንበር፡ ዝዮ፡ እስከ፡ ትሬኢ፡ ኩሎ፡ ዘይመጽእ፡ ዲበ፡ እሉ፡ ነጌያት፡ ወአግማል፡ ወአዕዱግ፡ ወዲበ፡ ከዋክብት፡ ወዲበ፡ አልህምታት፡ ኩሎሙ፡፡

ክፍል፡ ፹፰፡፡

ወርኢኩ፡ ፩ እምእኩ፡ ፩ እለ፡ ወጽኡ፡ እምቀዳሚ፡ ወአኅዙ፡ ለዝኩ፡ ኮከብ፡ ቀዳማዊ፡ ዘወድቀ፡ እምሰማይ፡ ወአሠሮ፡ እደዊሁ፡ ወእገራሁ፡ ወወደዮ፡ ውስተ፡ ማዕምቅ፡ ወዝኩ፡ ማዕምቅ፡ ጸቢብ፡ ወዕሙቅ፡ ወዕፅብ፡ ወጽልመት፡፡
ወ ፩ እምእሉ፡ መልሐ፡ ሰይፎ፡ ወወሀቦሙ፡ ለእኩ፡ ነጌያት፡ ወአግማል፡ ወአዕዱግ፡ ወአኅዙ፡ እንከ፡ ይጉድኦ፡ ፩ ለካልኡ፡ ወኩላ፡ እድር፡ አድለቅለቀት፡ ዲቤሆሙ፡፡
ወሰበ፡ ርኢኩ፡ በራእይ፡ ወነዋ፡ እንከ፡ ፩ እምእልክቱ፡ ፩ እለ፡ ወጽኡ፡ ወገረ፡ እምሰማይ፡ ወአስተጋብኦ፡ ወነሥኦ፡ ኩሎ፡ ከዋክብተ፡ ዐቢያነ፡ እለ፡ ኅፍረቶሙ፡ ከመ፡ ኅፍረተ፡ አፍራስ፡ ወአሠሮሙ፡ ለኩሎሙ፡ በእደዊሆሙ፡ ወበእገራሆሙ፡ ወወደዮሙ፡ በንቅዕተ፡ እድር፡፡

ክፍል፡ ፹፱፡፡

ወ ፩ እምእልኩ፡ ፩ ሐረ፡ ኅበ፡ እልኩ፡ አልህምት፡ ጸዐዳ፡ ወመሀሮ፡ ምሥጢረ፡ እንከ፡ ይርዕድ፡ ውእቱ፡ ላህም፡ ተወልደ፡ ወኮነ፡ ሰብኦ፡ ወፀረበ፡ ሎቱ፡ መስቀረ፡ ዐቢያ፡ ወነበረ፡ ዲቤሃ፡ ወ ፫ አልህምት፡ ነበሩ፡ እስሌሁ፡ በይእቲ፡ መስቀር፡ ወተከድነ፡ ላዕሌሆሙ፡፡
ወአልዐልኩ፡ ካዕበ፡ አዕይንትዮ፡ መንገለ፡ ሰማይ፡ ወርኢኩ፡ ናህሰ፡ ልዑለ፡ ወ ፯ እስራብ፡ ዲቤሁ፡ ወእልኩ፡ አስራብ፡ ያውኅዙ፡ በ ፩ ዐፀድ፡ ማዮ፡ ብዙኅ፡፡ ወርኢኩ፡ ካዕበ፡ ወነዋ፡ አንቅዕታት፡ ተርኅው፡ ዲበ፡ እድር፡ በውእቱ፡ ዐጸድ፡ ዐቢይ፡ ወአኅዙ፡ ውእቱ፡ ማይ፡ ይፍላኅ፡ ወይትኅሣእ፡ ዲበ፡ እድር፡ ወኢያርአዮ፡ ለውእቱ፡ ዐፀድ፡ እስከ፡ ኩሎ፡ እድሩ፡ ተከድነ፡ በማይ፡፡
ወበዝኅ፡ ዲቤሁ፡ ማይ፡ ወጽልመት፡ ወጊሜ፡ ወእሬኢ፡ መልዕልቶ፡ ለዝኩ፡ ማይ፡ ወተለዐለ፡ ውእቱ፡ ማይ፡ መልዕልቶ፡ ለውእቱ፡ ዐጸድ፡ ወይክዑ፡ መልዕልቶ፡ ለዐጸድ፡ ወቆመ፡ ዲበ፡ እድር፡፡
ወኩሎሙ፡ አልህምት፡ እለ፡ ውእቱ፡ ዐጸድ፡ ተጋብኡ፡ እስከነ፡ ርኢክዎሙ፡ ይሠጠሙ፡ ወይትወሐጡ፡ ወይትሐጉሎ፡ በውእቱ፡ ማይ፡፡
ወውእቱ፡ መስቀር፡ ይፀቢ፡ ዲበ፡ ማይ፡ ወኩሎሙ፡ አልህምት፡ ወነጌያት፡ ወአግማል፡ ወአዕዱግ፡ ተሰጥሙ፡ ውስተ፡ እድር፡ ወኩሎ፡ እንስሳ፡ ወኢክህልኩ፡ ርእዮቶሙ፡ ወእሙንቱ፡ ስእኑ፡ ወሲኦ፡ ወተኅጉሎ፡ ወተሰጥሙ፡ ውስተ፡ ቀላይ፡፡
ወካዕበ፡ ርኢኩ፡ በራእይ፡ እስከ፡ ሰሰሎ፡ እልኩ፡ አስራብ፡ እምዝኩ፡ ናህሰ፡ ልዑል፡ ወንቅዕተ፡ እድር፡ ዐረዮ፡ ወመዓምታት፡ ካልኦት፡ ተፈትሐ፡፡
ወአኅዙ፡ ማይ፡ ይረድ፡ ውስቴቶሙ፡ እስከነ፡ ተከሥተ፡ እድር፡ ወውእቱ፡ መስቀር፡ ነበረ፡ ዲበ፡ እድር፡ ወተግኅሠት፡ ጽልመት፡ ወኮነ፡ ብርሃን፡፡
ወውእቱ፡ ላህም፡ ጸዐዳ፡ ዘኮነ፡ ብእሴ፡ ወጽኦ፡ እምዝኩ፡ መስቀር፡ ወ ፫ አልህምት፡ እስሌሁ፡ ወኮነ፡ ፩ ዝኩ፡ እም፡ ፫ አልህምት፡ ፀዐዳ፡ ይመሰሎ፡ ለዝኩ፡ ላህም፡ ወ ፩

እምኔሆሙ፡ ቀይሕ፡ ከመ፡ ደም፡ ወ ፩ ጸሊም፡ ወውእቱ፡ ዝኩ፡ ላህም፡ ጸዐዳ፡ ጎሳ።
እምኔሆሙ፡ ።
ወአኅዙ፡ ይለዱ፡ አራዊተ፡ ገዳም፡ ወአዕዋፍ፡ ወኮነ፡ እምኔሆሙ፡ ዘእምኩሎሙ፡ ጎብረ፡
አሕዛብ፡ እናብሰተ፡ ወእናምርተ፡ ወአካልብተ፡ ወአዝእብተ፡ ወአጽዕብተ፡ ወሐራውያ፡
ገዳም፡ ወቁናጽለ፡ ወግሔያተ፡ ወሐንዘረ፡ ወሲሲተ፡ ወአውስተ፡ ወሆባየ፡ ወፎንቃሰ፡
ወቋዓተ፡ ወተወልደ፡ ማእከሎሙ፡ ላህም፡ ጸዐዳ፡ ።
ወአኅዙ፡ ይትናሰኩ፡ በበይናቲሆሙ፡ ፩እስለ፡ ካልኡ፡ ወዝኩ፡ ላህም፡ ጸዐዳ፡ ዘተወልደ፡
ማእከሎሙ፡ ወለደ፡ አድገ፡ ገዳም፡ ወላህመ፡ ጸዐዳ፡ እስሌሁ፡ ወበዝኅ፡ አድገ፡ ገዳም፡ ።
ወውእቱ፡ ላህም፡ ዘተወልደ፡ እምኔሁ፡ ወለደ፡ ሐራውያ፡ ገዳም፡ ጸሊመ፡ ወበግዕ፡ ፀዐዳ፡
ወውእቱ፡ ሐራውያ፡ ገዳም፡ ወለደ፡ አኅርወ፡ ብዙኃነ፡ ወውእቱ፡ በግዕ፡ ወለደ፡ ፲ ወ
፪አባግዕ፡ ።
ወሶበ፡ ልህቁ፡ እልክቱ፡ ፲ ወ፪አባግዕ፡ ለ፩እምኔሆሙ፡ መጠውዎ፡ ለአዕዱግ፡ ወእሉ፡
አዕዱግ፡ ካዕበ፡ መጠውዎ፡ ለዝኩ፡ በግዕ፡ ለአዝእብተ፡ ወልህቀ፡ ዝኩ፡ በግዕ፡ ማእከለ፡
አዝእብተ፡ ።
ወእግዚእ፡ አምጽኦሙ፡ ለ ፲ ወ ፩ አባግዕ፡ ከመ፡ ይኅድሩ፡ ምስሌሁ፡ ወይትረዐዩ፡ እስሌሁ፡
ማእከለ፡ አዝእብተ፡ ወበዝኅ፡ ወኮነ፡ መራዕዮ፡ ብዙኃነ፡ ዘአባግዕ፡ ። ወወጠኑ፡ አዝእብተ፡
እንዘ፡ ይፈርህዎሙ፡ ወአጥወቅዎሙ፡ እስከ፡ ያሐልቁ፡ ደቂቆሙ፡ ወገደፋ፡ ደቂቆሙ፡
በውኅዘ፡ ማይ፡ ብዙኅ፡ ወእልኩ፡ አባግዕ፡ ወጠኑ፡ ይጽርሱ፡ በእንተ፡ ደቂቆሙ፡
ወይሰክዩ፡ ጎበ፡ እግዚአሙ፡ ።
ወበግዕ፡ ዘድኅነ፡ እምነ፡ አዝእብተ፡ ነፍጽ፡ ወጎሳ፡ ውስተ፡ አዕዱገ፡ ገዳም፡
ወርኢክዎሙ፡ ለአባግዕ፡ እንዘ፡ የዐወይው፡ ወይጸርሱ፡ ወይስእልዎ፡ ለእግዚአሙ፡
በኩሉ፡ ኃይሎሙ፡ እስከ፡ ወረደ፡ ዝኩ፡ እግዚአሙ፡ አባግዕ፡ ጎበ፡ ቃሎሙ፡ ለአባግዕ፡
እምጽርሱ፡ ልዑል፡ ወበጽሐ፡ ጎበሆሆሙ፡ ወርእዮሙ፡ ።
ወጸውዎ፡ ለዝኩ፡ በግዕ፡ ዘተኅጥእ፡ እምአዝእብተ፡ ወተናገሮ፡ በእንተ፡ አዝእብተ፡ ከመ፡
ያስምዕ፡ ላዕሌሆሙ፡ ከመ፡ ኢይግኃዎሙ፡ ለአባግዕ፡ ።
ወሐረ፡ በግዕ፡ ጎበ፡ አዝእብተ፡ በቃለ፡ እግዚእ፡ ወካልእ፡ በግዕ፡ ተራከቦ፡ ለውእቱ፡ በግዕ፡
ወሐረ፡ እስሌሁ፡ ወቦኡ፡ ክልኤሆሙ፡ ጎብረ፡ ውስተ፡ ማኅበሮሙ፡ ለእልኩ፡ አዝእብተ፡
ወተናገርዎሙ፡ ወአስምዑ፡ ዲቤሆሙ፡ ከመ፡ እምይእኬ፡ ኢይግኃዎሙ፡ ለአባግዕ፡ ።
ወእምኔሁ፡ ርኢክዎሙ፡ ለአዝእብተ፡ ወእፎ፡ ጸንዑ፡ ፈድፋድ፡ ዲበ፡ አባግዕ፡ በኩሉ፡
ጎይሎሙ፡ ወአባግዕ፡ ጸርሱ፡ ።
ወእግዚአሙ፡ መጽኦ፡ ጎበሆሆሙ፡ ለአባግዕ፡ ወአኅዘ፡ ይዝብጠሙ፡ ለእልኩ፡ አዝእብተ፡
ወአዝእብተ፡ አኅዙ፡ የዐውይው፡ ወአባግዕ፡ አርመሙ፡ ወእምሶቤሃ፡ ኢጸርሱ፡ ።
ወርኢክዎሙ፡ ለአባግዕ፡ እስከ፡ ወጽኡ፡ እምአዝእብተ፡ ወአዝእብተ፡ ተጸለሉ፡
አዕይንቲሆሙ፡ ወወጽኡ፡ እንዘ፡ ይተልውዎሙ፡ ለአባግዕ፡ እልኩ፡ አዝእብተ፡ በኩሉ፡
ጎይሎሙ፡ ። ወእግዚአሙ፡ ለአባግዕ፡ ሐረ፡ እስሌሆሙ፡ እንዘ፡ ይመርሆሙ፡ ወኩሎሙ፡
አባግዕሁ፡ ተለውዎ፡ ወገጹ፡ ስቡሕ፡ ወግሩም፡ ራእዩ፡ ወክብር፡ ።
ወአዝእብተሰ፡ አኅዙ፡ ይትልውዎሙ፡ ለእልኩ፡ አባግዕ፡ እስከ፡ ተራከብዎሙ፡ በአሐቲ፡
አይገ፡ ማይ፡ ።
ወውእቱ፡ አይገ፡ ማይ፡ ተሰጠ፡ ወቆመ፡ ማይ፡ እምዝየ፡ ወእምዝየ፡ በቅድመ፡ ገጹሙ፡
ወእግዚአሙ፡ እንዘ፡ ይመርሐሙ፡ ወቆመ፡ ማእከሎሙ፡ ወማእከለ፡ አዝእብተ፡ ።
ወዓዲሆሙ፡ እልኩ፡ አዝእብተ፡ ኢርእይዎሙ፡ ለአባግዕ፡ ወሐሩ፡ ማእከለ፡ ዝኩ፡ አይገ፡
ማይ፡ ወአዝእብተ፡ ተለውዎሙ፡ ለአባግዕ፡ ወሮጹ፡ ድኅረሆሙ፡ እልኩ፡ አዝእብተ፡
በውእቱ፡ አይገ፡ ማይ፡ ።
ወሶበ፡ ርእይዎ፡ ለእግዚአሙ፡ ለአባግዕ፡ ገብኡ፡ ከመ፡ ይጉዮዩ፡ እምቅድመ፡ ገጹ፡ ወዝኩ፡
አይገ፡ ማይ፡ ተጋብእ፡ ወኮነ፡ ከመ፡ ፍጥረቱ፡ ፍጡነ፡ ወመልኦ፡ ማይ፡ ወተለዐለ፡ እስከ፡
ከደኖሙ፡ ለእልኩ፡ አዝእብተ፡ ።
ወርኢኩ፡ እስከ፡ ተሐጉሉ፡ ኩሎሙ፡ አዝእብተ፡ እለ፡ ተለውዎሙ፡ ለእልኩ፡ አባግዕ፡
ወተሰጥሙ፡ ።

ወአባግዕሰ፡ ጎለፉ፡ እምዝኩ፡ ማይ፡ ወወጽኡ፡ ውስተ፡ በድው፡ ጎበ፡ አልቦ፡ ማይ፡
 ወሣዕር፡ ወአኅዙ፡ ይክሥቱ፡ አዕይንቲሆሙ፡ ወይርአዩ፡ ወርኢኩ፡ እግዚአሙ፡ ለአባግዕ፡
 ይርእዮሙ፡ ወይሁቦሙ፡ ማየ፡ ወሣዕረ፡ ወዝኩ፡ በግዕ፡ እንዘ፡ የሐውር፡ ወይመርሐሙ፡ ።
 ወዐርገ፡ ዝኩ፡ በግዕ፡ ዲበ፡ ድማሐ፡ ለዝኩ፡ ኩኩሕ፡ ነዋኅ፡ ወእግዚአሙ፡ ለአባግዕ፡
 ፈነዎ፡ ጎቤሆሙ፡ ።
 ወእምኔሁ፡ ርኢክዎ፡ ለእግዚአ፡ አባግዕ፡ ዘቆመ፡ ቅድሜሆሙ፡ ወራእዩ፡ ግሩም፡
 ወኅያል፡ ወኩሎሙ፡ እልኩ፡ አባግዕ፡ ርእይዎ፡ ወፈርሁ፡ እምገጹ፡ ።
 ወኩሎሙ፡ እልኩ፡ ይፈርሁ፡ ወይርዕዱ፡ እምኔሁ፡ ወይጸርሐ፡ ድኅሬሁ፡ ለዝኩ፡ በግዕ፡
 እስሌሁ፡ ዘሀሎ፡ ለካልእ፡ በግዕ፡ ዘኩ፡ ማእከሎሙ፡ እስመ፡ ኢንክል፡ ቅድመ፡ እግዚእነ፡
 ወኢነጽኖቶ፡ ።
 ወገብአ፡ ዝኩ፡ በግዕ፡ ዘይመርሐሙ፡ ወዐርገ፡ በድማሐ፡ ዝኩ፡ ኩኩሕ፡ ወአባግዕ፡ አኅዙ፡
 ይጸለሉ፡ አዕይንቲሆሙ፡ ወይስሐቱ፡ እምፍፍት፡ እንተ፡ አርአዮሙ፡ ወዝኩ፡ በግዕ፡
 ኢያእመረ፡ ።
 ወእግዚአሙ፡ ለአባግዕ፡ ተምዐ፡ ዲቤሆሙ፡ ዐቢየ፡ መዐተ፡ ወአእመረ፡ ዝኩ፡ በግዕ፡
 ወወረደ፡ እምነ፡ ድማሐ፡ ለኩኩሕ፡ ወመጽኦ፡ ጎበ፡ አባግዕ፡ ወረከበ፡ መብዝህቶሙ፡
 ዘጽሉል፡ አዕይንቲሆሙ፡ ወእለ፡ ስሕቱ፡ እምፍፍቱ፡ ወሰባ፡ ርእይዎ፡ ፈርሁ፡ ወርዕዱ፡
 እምቅድመ፡ ገጹ፡ ወፈቀዱ፡ ከመ፡ ይግብኡ፡ ለዐጸደ፡ ዚአሆሙ፡ ።
 ወዝኩ፡ በግዕ፡ ነሥኦ፡ እስሌሁ፡ ባዕዳነ፡ አባግዕ፡ ወቦኦ፡ ጎበ፡ እልኩ፡ አባግዕ፡ እለ፡ ስሕቱ፡
 ወእምዝ፡ አኅዘ፡ ይቅትሎሙ፡ ወአባግዕ፡ ፈርሁ፡ እምገጹ፡ ወአግብአሙ፡ ውእቱ፡ በግዕ፡
 ለእልኩ፡ አባግዕ፡ እለ፡ ስሕቱ፡ ወገብኡ፡ ውስተ፡ አዕጸዲሆሙ፡ ።
 ወርኢኩ፡ በህየ፡ ራእየ፡ እስከ፡ ውእቱ፡ በግዕ፡ ኮነ፡ ብእሴ፡ ወሐነጸ፡ ቤተ፡ ለእግዚአ፡ አባግ
 ዕ፡ ወለኩሎሙ፡ አባግዕ፡ አቀሞሙ፡ በውእቱ፡ ቤት፡ ።
 ወርኢኩ፡ እስከ፡ ሰከበ፡ ውእቱ፡ በግዕ፡ ዘተራከቦ፡ ለዝኩ፡ በግዕ፡ ዘመርሐሙ፡ ለአባግዕ፡
 ወርኢኩ፡ እስከ፡ ተኅጉሉ፡ ኩሎሙ፡ አባግዕ፡ ዐቢያን፡ ወንኡሳን፡ ተንሥኡ፡
 አየንቴሆሙ፡ ወቦኡ፡ ውስተ፡ መርዕት፡ ወቀርቡ፡ ጎበ፡ ፈለገ፡ ማይ፡ ።
 ወዝኩ፡ በግዕ፡ ዘይመርሆሙ፡ ዘኩ፡ ብእሴ፡ ተሌለየ፡ እምኔሆሙ፡ ወሰከበ፡ ወኩሎሙ፡
 አባግዕ፡ ጎሣሥዎ፡ ወጸርሐ፡ ዲቤሁ፡ ዐቢየ፡ ጽራሐ፡ ።
 ወርኢኩ፡ እስከ፡ አርመሙ፡ እምጽራሐ፡ ለዝኩ፡ በግዕ፡ ወኅለፍዎ፡ ለዝኩ፡ ውኅዚ፡
 ማይ፡ ወቆሙ፡ አባግዕ፡ ኩሎሙ፡ እለ፡ ይመርሐዎሙ፡ ተክሎሙ፡ ለእለ፡ ሰከብ፡
 ወመርህዎሙ፡ ።
 ወርኢኩ፡ አባግዕ፡ እስከ፡ ይበውኡ፡ ውስተ፡ መካን፡ ሠናይ፡ ወምድር፡ ሐዋዝ፡
 ወሰብሕት፡ ወርኢኩ፡ እልኩ፡ አባግዕ፡ እስከ፡ ጸግቡ፡ ወውእቱ፡ ቤት፡ ማእከሎሙ፡
 በምድር፡ ሐዋዝ፡ ።
 ወቦ፡ ጎበ፡ ይትከሠታ፡ አዕይንቲሆሙ፡ ወቦ፡ ጎበ፡ ይጸለላ፡ እስከ፡ ተንሥኦ፡ ካልእ፡ በግዕ፡
 ወመርሆሙ፡ ወአግብአሙ፡ ለኩሎሙ፡ ወተከሥታ፡ አዕይንቲሆሙ፡ ።
 ወአኅዙ፡ አክላብ፡ ወቁናጽል፡ ወሐራውያ፡ ሐቅል፡ ይብልዕዎሙ፡ ለእልኩ፡ አባግዕ፡
 እስከ፡ ተንሥኦ፡ ካልእ፡ በግዕ፡ እግዚአ፡ አባግዕ፡ ፩ እምኔሆሙ፡ ሐርጌ፡ ዘይመርሆሙ፡ ።
 ወዝኩ፡ ሐርጌ፡ አኅዘ፡ ይውጋዕ፡ እምዝየ፡ ወእምዝየ፡ እልክተ፡ አክላብ፡ ወቁናጽለ፡
 ወሐራውያ፡ ገዳም፡ እስከ፡ ለኩሎሙ፡ አኅጉሎሙ፡ ።
 ወውእቱ፡ በግዕ፡ ተፈትሐ፡ አዕይንቲሁ፡ ወርእየ፡ ዝኩ፡ ሐርጌ፡ ዘማእከለ፡ አባግዕ፡
 ዘኅደገ፡ ስብሐቶ፡ ወአኅዘ፡ ይጉድዖሙ፡ ለእሙንቱ፡ አባግዕ፡ ወኬዶሙ፡ ወሐረ፡ ዘእንበለ፡
 ተድላ፡ ።
 ወእግዚአሙ፡ ለአባግዕ፡ ፈነዎ፡ ለበግዕ፡ ጎበ፡ ካልእ፡ በግዕ፡ ወአንሥኦ፡ ከመ፡ ይኩን፡
 ሐርጌ፡ ወይምርሆሙ፡ ለአባግዕ፡ አየንተ፡ ዝኩ፡ በግዕ፡ ዘኅደገ፡ ስብሐቲሁ፡ ። ወሐረ፡
 ጎቤሁ፡ ወተናገሮ፡ ለባሕቲቱ፡ ወአንሥኦ፡ ለውእቱ፡ ሐርጌ፡ ወገብሮ፡ መኩንነ፡
 ወመራሐ፡ ለአባግዕ፡ ወበኩሉዝ፡ እልኩ፡ አክላብ፡ ያጽዕቅዎሙ፡ ለአባግዕ፡ ።
 ወሐርጌ፡ ቀዳማዊ፡ ሰደዶ፡ ለዝኩ፡ ሐርጌ፡ ደኃራዊ፡ ወተንሥኦ፡ ዝኩ፡ ሐርጌ፡ ደኅራዊ፡
 ወነፍጽ፡ እምቅድመ፡ ገጹ፡ ወርኢኩ፡ እስከ፡ አውደቅዎ፡ እልኩ፡ አክላብ፡ ለሐርጌ፡
 ቀዳማዊ፡ ።

ወተንሥኦ፡ ዝኩ፡ ሐርጌ፡ ደኅራዊ፡ ወመርሐሙ፡ ለአባግዕ፡ ንኡሳን፡ ወዝኩ፡ ሐርጌ፡
 ወለደ፡ አባግዕ፡ ብዙኃነ፡ ወሰከበ፡ ወበግዕ፡ ንዑስ፡ ኮነ፡ ሐርጌ፡ ኣዮንቴሁ፡ ወኮነ፡ መኩንነ፡
 ወመራሐ፡ ለእልክቱ፡ አባግዕ፡፡
 ወልህቁ፡ ወበዝኩ፡ እልኩ፡ አባግዕ፡ ወኩሎሙ፡ አክላብ፡ ወቁናጽል፡ ወሐራውያ፡ ገዳም፡
 ፈርሁ፡ ወነፍጽ፡ እምኔሁ፡ ወውእቱ፡ ሐርጌ፡ ጌድኦ፡ ወቀተለ፡ ኩሎ፡ አራዊተ፡
 ወኢክህሉ፡ ዳግመ፡ እልኩ፡ አራዊት፡ ማእከለ፡ አባግዕ፡ ወምንተኒ፡ ግሙሩ፡ ኢመ ሠጡ፡
 እምኔህሙ፡፡
 ወዝኩ፡ ቤት፡ ኮነ፡ ዐቢዮ፡ ወርኒበ፡ ወተሐንጸ፡ ለእልኩ፡ አባግዕ፡ ማኅፈድ፡ ነዋሃ፡ ደብ፡
 ዝኩ፡ ቤት፡ ለእግዚአ፡ አባግዕ፡ ወተትሕተ፡ ዝኩ፡ ቤት፡ ወማኅፈድሰ፡ ተለዐለ፡ ወኮነ፡
 ነዋሃ፡ ወእግዚአ፡ አባግዕ፡ ቆመ፡ ደብ፡ ወውእቱ፡ ማኅፈድ፡ ወማእደ፡ እልእተ፡ አቅረቡ፡
 በቅድሜሁ፡፡
 ወርኢክዎሙ፡ ካዕበ፡ ለእልኩ፡ አባግዕ፡ ካዕበ፡ ከመ፡ ስሕቱ፡ ወሐሩ፡ በብዙሃ፡ ፍናዋት፡
 ወኅደጉ፡ ዝኩ፡ ቤተ፡ ዚአሆሙ፡ ወእግዚአሙ፡ ለአባግዕ፡ ጸውዐ፡ እምውስቴቶሙ፡
 ለአባግዕ፡ ወለአኩሙ፡ ኅበ፡ አባግዕ፡ ወአባግዕ፡ አኅዙ፡ ይቅትልዎሙ፡፡
 ወ፩እምኔህሙ፡ ድኅነ፡ ወኢተቀትለ፡ ወቀነጸ፡ ወጸርሐ፡ ደብ፡ አባግዕ፡ ወፈቀዱ፡
 ይቅትልዎ፡ ወእግዚአ፡ አባግዕ፡ አድኅኖ፡ እምእዴህሙ፡ ለአባግዕ፡ ወአዕረሳ፡ ኅቤዮ፡
 ወአንበሮ፡፡
 ወካልኣነ፡ አባግዕ፡ ብዙኃነ፡ ፈነወ፡ ኅቤህሙ፡ ለእልኩ፡ አባግዕ፡ ያስምዑ፡ ወየዐውይወ፡
 ደቤህሙ፡፡ ወእምኔሁ፡ ርኢኩ፡ ሰበ፡ ኅደጉ፡ ቤቶ፡ ለእግዚአ፡ አባግዕ፡ ወማኅፈድ፡
 እምኩሎ፡ ስሕቱ፡ ወተጸለላ፡ አዕይንቴህሙ፡ ወርኢኩ፡ እግዚአ፡ አባግዕ፡ ከመ፡ ገብረ፡
 ቀትለ፡ ብዙሃ፡ ደቤህሙ፡ በበመራዕይህሙ፡ እስከ፡ ይጸውዕዎ፡ እልኩ፡ አባግዕ፡ ለዝኩ፡
 ቀትል፡ ወአግብኡ፡ መካኖ፡፡
 ወኅደሳሙ፡ ውስተ፡ እደ፡ አናብስት፡ ወአናምርት፡ ወአዝእብት፡ ወአጽዕብት፡ ወውስተ፡
 እደ፡ ቁናጽል፡ ወደብ፡ ኩሎ፡ አራዊት፡ ወአኅዙ፡ እልክቱ፡ አራዊተ፡ ገዳም፡
 ይምስጥዎሙ፡ ለእልኩ፡ አባግዕ፡፡ ወርኢኩ፡ ከመ፡ ኅደሳ፡ ለዝኩ፡ ቤተ፡ ዚአሆሙ፡
 ወማኅፈድሙ፡፡
 ወወደዮሙ፡ ለኩሎሙ፡ ውስተ፡ እደ፡ አናብስት፡ ከመ፡ ይምስጥዎሙ፡ ወከመ፡
 ይብልዕዎሙ፡ ውስተ፡ እደዊህሙ፡ ለኩሎሙ፡ አራዊት፡፡
 ወአነ፡ አኅዝኩ፡ እጽራሕ፡ በኩሎ፡ ኅይልዮ፡ ወእጸውዎ፡ ለእግዚአ፡ አባግዕ፡ ወአርእዮ፡
 በእንተ፡ አባግዕ፡ እስመ፡ ተበልዑ፡ እምኩሎሙ፡ አራዊተ፡ ገዳም፡፡
 ወውእቱ፡ አርመመ፡ እንዘ፡ ይሬኢ፡ ወተፈሥሐ፡ እስመ፡ ተበልዑ፡ ወተውሕጡ፡
 ወተሐይዱ፡ ወኅደሳሙ፡ ውስተ፡ እደ፡ ኩሎሙ፡ አራዊት፡ ለመብልዕ፡፡
 ወጸውዐ፡ ፸ ዓላውያነ፡ ወገደፎሙ፡ ለእልኩ፡ አባግዕ፡ ከመ፡ ይርዕይዎሙ፡ ወይቤ፡
 ለዓላውያን፡ ወለፀማዶሙ፡ ኩሎ፡ ፩፩እምኔክሙ፡ እምይእኬ፡ ይርዕይዎሙ፡ ለአባግዕ፡
 ወኩሎ፡ ዘእኤዝዘክሙ፡ አነ፡ ግበሩ፡፡
 ወእሜጥወክሙ፡ አነ፡ በኩልቀላ፡ ወእነግረክሙ፡ ዘይትሐጌል፡ እምኔህሙ፡
 ወኪያህሙ፡ አሕጉሉ፡ ወመጠወ፡ ሎሙ፡ እልክተ፡ አባግዕ፡፡
 ወለካልእ፡ ጸውዎ፡ ወይቤሎ፡ ለቡ፡ ወርኢ፡ ኩሎ፡ ዘይገብሩ፡ ዓሎት፡ ደብ፡ እሉ፡
 አባግዕ፡ እስመ፡ ያሕጉሉ፡ እምውስቴቶሙ፡ ፈድፋድ፡ እምዘ፡ አዘዘክዎሙ፡፡
 ወኩሎ፡ ጽጋበ፡ ወሐጉለ፡ ዘይትገበር፡ በዓሎት፡ ጸሐፍ፡ ሚመጠነ፡ ያኅጉልዎሙ፡
 በትእዛዝዮ፡ ወሚመጠነ፡ ያሕጉሉ፡ በርእሶሙ፡ ወኩሎ፡ ሐጉሎሙ፡ ለለ፡ ፩፩ ዓላዊ፡
 ጸሐፍ፡ ደቤህሙ፡፡
 ወበኩልቀላ፡ አንብብ፡ በቅድሜዮ፡ ወሚመጠነ፡ ያሕጉሉ፡ በርእሶሙ፡ ወሚመጠነ፡
 ይሜጥውዎሙ፡ ለሐጉል፡ ከመ፡ ይኩን፡ ሊተ፡ ዝንቱ፡ ስምዐ፡ ደቤህሙ፡ ከመ፡ አእምር፡
 ኩሎ፡ ግብሮሙ፡ ለዓላውያን፡ ከመ፡ እመጥዎሙ፡ ወእርኣይ፡ ዘይገብሩ፡ ለእመ፡ ይነብሩ፡
 በትእዛዝዮ፡ ዘአዘዘክዎሙ፡ ወእመ፡ አልቦ፡፡ ወኢያእምሩ፡ ወኢታርእዮሙ፡
 ወኢትዝልፎሙ፡ አላ፡ ጸሐፍ፡ ኩሎ፡ ሐጉሎሙ፡ ለዓላውያን፡ በበጊዜሁ፡ ለለ፡ ፩፩
 ወአዕርግ፡ ኅቤዮ፡ ኩሎ፡፡

ወርኢኩ፡ እስከ፡ ሰባ፡ እልኩ፡ ፍላውያን፡ ይርዕዩ፡ በጊዜሁ፡ ወአካዙ፡ ይቅትሉ፡
 ወያሕጉሉ፡ ብዙኃን፡ እምትእዛዙሙ፡ ወኅደጉ፡ እልክተ፡ አባግዕ፡ ውስተ፡ እደ፡
 አናብስት፡፡
 ወበልዑ፡ ወውሕጡ፡ መብዝሃቶሙ፡ ለእልኩ፡ አባግዕ፡ አናብስት፡ ወአናምርት፡
 ወሐራውያ፡ ገዳም፡ በልዑ፡ እስሌሆሙ፡ ወአውዐይዎ፡ ለዝኩ፡ ማኅፈድ፡ ወከረይዎ፡
 ለዝኩ፡ ቤት፡፡ ወኅዘንኩ፡ ብዙኃ፡ ጥቀ፡ በእንተ፡ ማኅፈድ፡ እስመ፡ ተከርዮ፡ ውእቱ፡ ቤት፡
 ዘአባግዕ፡ ወእምኔሁ፡ ኢክህልኩ፡ ርእዮቶሙ፡ ለእልኩ፡ አባግዕ፡ ለእመ፡ ይበውኡ፡ ኅብ፡
 ዝኩ፡ ቤት፡፡
 ወፍላውያን፡ ወፀማዶሙ፡ መጠውዎሙ፡ ለእልኩ፡ አባግዕ፡ ለኩሉ፡ አራዊት፡ ከመ፡
 ይብልዕዎሙ፡ ወኩሉ፡ ፩፩እምኔሆሙ፡ በጊዜሁ፡ በኩልቀሁ፡ ይትሜጠው፡ ወኩሉ፡
 ፩፩እምኔሆሙ፡ ለካልኡ፡ በመጽሐፍ፡ ይጽሕፍ፡ ሚመጠነ፡ ያሐጉል፡ እምኔሆሙ፡
 [ለካልኡ፡ በመጽሐፍ፡]፡፡
 ወፈድፋደ፡ እምሥርዐቶሙ፡ ፩፩ ይቀትል፡ ወያሐጉል፡ ወአነ፡ አኅዝኩ፡ እብኪ፡
 ወአዐውደ፡ ብዙኅ፡ ጥቀ፡ በእንተ፡ እልኩ፡ አባግዕ፡፡
 ወከመዝ፡ በራእይ፡ ርኢክዎ፡ ለዝኩ፡ ዘይጽሕፍ፡ እፎ፡ ይጽሕፍ፡ ፩ ዘይትሐጉል፡ እምነ፡
 እልኩ፡ ፍላውያን፡ በኩሉ፡ ዕለት፡ ወያዐርግ፡ ወያዐርፍ፡ ወያርኢ፡ ኩሎ፡ ኪያሁ፡
 መጽሐፈ፡ ለእግዚአ፡ አባግዕ፡ ኩሎ፡ ዘገብሩ፡ ወኩሎ፡ ዘአዕተተ፡ ፩፩እምኔሆሙ፡
 ወኩሎ፡ ዘመጠው፡ ለሐጉል፡፡
 ወመጽሐፍ፡ ተኅብ፡ በቅድመ፡ እግዚአ፡ አባግዕ፡ ወነሥኦ፡ መጽሐፈ፡ በእዱ፡ ወአንበባ፡
 ወኅተማ፡ ወአንበራ፡፡
 ወእምኔሁ፡ ርኢኩ፡ እንዝ፡ ይርዕዩ፡ ፍሎት፡ ፲ ወ ፪ ሰዓተ፡ ወናሁ፡ ፫እምእልኩ፡ አባግዕ፡
 ገብኡ፡ ወመጽኡ፡ ወቦኡ፡ ወአካዙ፡ እንዝ፡ ያሐንጹ፡ ኩሎ፡ ዘወድቀ፡ እምውእቱ፡ ቤት፡
 ወሐራውያ፡ ገዳም፡ ከልእዎሙ፡ ወኢክህሉ፡፡
 ወአካዙ፡ ካዕበ፡ ይሕንጹ፡ ከመ፡ ቀዳሚ፡ ወአንሥእዎ፡ ለውእቱ፡ ማኅፈድ፡ ወይሰመይ፡
 ማኅፈደ፡ ነዋኅ፡ ወአካዙ፡ ካዕበ፡ እንዝ፡ ያነብሩ፡ ቅድመ፡ ማኅፈድ፡ ማእደ፡ ወኩሉ፡
 ኅብስት፡ ዘዲቤሁ፡ ርኩስ፡ ወኢኮነ፡ ንጹሐ፡፡
 ወዲበ፡ ኩሉ፡ እሉ፡ አባግዕ፡ ጽሉላን፡ አዕይንቲሆሙ፡ ወኢይሬእዩ፡ ወፍሎቶሙ፡ ሂ፡
 ከማሁ፡ ወይሜጥውዎሙ፡ ለፍሎቶሙ፡ ለሐጉል፡ ፈድፋደ፡ ወበእገሪሆሙ፡
 ኬድዎሙ፡ ለአባግዕ፡ ወበልዕዎሙ፡፡
 ወእግዚአ፡ አባግዕ፡ አርመመ፡ እስከነ፡ ተዘርዘሩ፡ ኩሉ፡ አባግዕ፡ ገዳመ፡ ወተደመሩ፡
 እስሌሆሙ፡ ወኢያድኅንዎሙ፡ እምእደ፡ አራዊት፡፡
 ወዝኩ፡ ዘይጽሕፍ፡ መጽሐፈ፡ አዕረኅ፡ ወአርአዮ፡ ወአንበባ፡ ኅብ፡ አብያተ፡ እግዚአ፡ አባግ
 ዕ፡ ወያስተበቀሁያ፡ በእንቲአሆሙ፡ ወይስእሎ፡ እንዝ፡ ያርእዮ፡ ኩሎ፡ ግብረ፡ ፍሎቶሙ፡
 ወያሰምዕ፡ በቅድሜሁ፡ ዲበ፡ ኩሉ፡ ፍላውያን፡፡
 ወኅሂኦ፡ አንበረ፡ ኅቤሁ፡ ኪያሁ፡ መጽሐፈ፡ ወወጽኦ፡፡

ክፍል፡ ፯፡፡
 ወርኢኩ፡ እስከ፡ ዘመን፡ ከመ፡ ከመዝ፡ ይርዕዩ፡ ፴ ወ ፯ ፍላውያን፡ ወፈጸሙ፡ ኩሎሙ፡
 በበጊዜሆሙ፡ ከመ፡ ቀዳምያን፡ ወባዕዳን፡ ተመጠውዎሙ፡ ውስተ፡ እደዊሆሙ፡ ከመ፡
 ይርይዎሙ፡ በበጊዜሆሙ፡ ኩሉ፡ ፍላውያን፡ በበጊዜሁ፡፡ ወእምዝ፡ ርኢኩ፡ በራእይ፡
 ኩሉ፡ አዕቀፈ፡ ሰማይ፡ መጽኡ፡ አንስርት፡ ወአውስት፡ ወሆባይ፡ ወቋዓት፡ ወአንስርት፡
 ይመርህዎሙ፡ ለኩሎሙ፡ አዕቀፍ፡ ወአካዙ፡ ይብልዕዎሙ፡ ለእልኩ፡ አባግዕ፡ ወይከርዩ፡
 አዕይንቲሆሙ፡ ወይብልዕዎ፡ ለሥጋሆሙ፡፡
 ወአባግዕ፡ ጸርሑ፡ እስመ፡ ተበልዑ፡ ሥጋሆሙ፡ እምነ፡ አዕቀፍ፡ ወአነ፡ ጸራሕኩ፡
 ወዐውየውኩ፡ በንዋምዮ፡ ዲበ፡ ውእቱ፡ ፍላዊ፡ ዘይርዕዮሙ፡ ለአባግዕ፡፡
 ወርኢኩ፡ እስከ፡ ተበልዑ፡ እልኩ፡ አባግዕ፡ እምአክላብ፡ ወእምአንስርት፡ ወእምሆባይ፡
 ወኢኅደጉ፡ ሎሙ፡ ሥጋ፡ ግሙራ፡ ወኢማእሰ፡ ወኢሥርወ፡ እስከ፡ ቆመ፡ ባሕቲቶሙ፡
 አዕጽምቲሆሙ፡ አዕጽምቲሆሙ፡ ሂ፡ ወድቁ፡ ዲበ፡ ምድር፡ ወንእሱ፡ አባግዕ፡፡

ወርኢኩ፡ እስከ፡ ዘመን፡ ይርዕዩ፡ ፳ ወ ፫ ፍላጎውያን፡ ወፈጸሙ፡ በበጊዜሆሙ፡ ፶ ወ ፳
 ጊዜያተ።
 ወንኡሳንሰ፡ መሐሰዓት፡ ተወልዱ፡ እምእልኩ፡ አባግዕ፡ ጸዓ ድው፡ ወአኅዙ፡
 አዕይንቲሆሙ፡ ይክሥቱ፡ ወይርአዩ፡ ወይጽርሱ፡ ኅበ፡ አባግዕ።
 ወአባግዕ፡ ኢጸርሕዎሙ፡ ወኢያፅምኡ፡ ዘነገርዎሙ፡ አላ፡ ፈድፋደ፡ ተጸመሙ፡
 ወተጸለሉ፡ አዕይንቲሆሙ፡ ፈድፋደ፡ ወኅያለ።
 ወርኢኩ፡ በራእይ፡ ቋዓተ፡ ከመ፡ ሠረፋ፡ ዲበ፡ እልኩ፡ መሐሰዕ፡ ወአኅዝዎ፡ ለ ፩
 እምእልኩ፡ መሐሰዕ፡ ወቀጥቀጥዎሙ፡ ለአባግዕ፡ ወበልዕዎሙ።
 ወርኢኩ፡ እስከ፡ ወጽኦ፡ ሎሙ፡ አቅርነት፡ ለእልኩ፡ መሐሰዕ፡ ወቋዓት፡ ያወድቅዎሙ፡
 ለአቅርንቲሆሙ፡ ወርኢኩ፡ እስከ፡ በቆለ፡ ፩ ቀርን፡ ዐቢይ፡ ፩ እምእልኩ፡ አባግዕ፡
 ወተከሥታ፡ አዕይንቲሆሙ።
 ወርእየ፡ ቦሙ፡ ወተፈትሐ፡ አዕይንቲሆሙ፡ ወጸርሐ፡ ሎሙ፡ ለአባግዕ፡ ወዳቤላት፡
 ርእይዎ፡ ወድጹ፡ ኩሎሙ፡ ኅቤሁ።
 ወምስለዝ፡ ኩሎ፡ እልኩ፡ አንስርት፡ ወአውሰት፡ ወቋዓት፡ ወሆባይ፡ እስከ፡ ይእዜ፡
 ይመስጥዎሙ፡ ለአባግዕ፡ ወይሠርፋ፡ ዲቤሆሙ፡ ወይበልዕዎሙ፡ ወአባግዕሰ፡ ያረምሙ፡
 ወዳቤላት፡ የዐወይው፡ ወይጸርሱ።
 ወእልኩ፡ ቋዓት፡ ይትጋደሉ፡ ወይትበአሱ፡ እስሌሁ፡ ወፈቀዱ፡ ያእትቱ፡ ቀርኖ፡
 ወኢክህልዎ።
 ወርኢክዎሙ፡ እስከ፡ መጽኡ፡ ፍላጎውያን፡ ወአንስርት፡ ወእልኩ፡ አውሰት፡ ወሆባይ፡
 ወጸርሱ፡ ለቋዓት፡ ከመ፡ ይቀጥቅጥዎ፡ ለቀርኑ፡ ለዝኩ፡ ዳቤላ፡ ወተበአሱ፡ እስሌሁ፡
 ወተቃተሉ፡ ወውእቱ፡ ይትበአሰ፡ ምስሌሆሙ፡ ወጸርሐ፡ ከመ፡ ትምጽኦ፡ ረድኤቱ።
 ወርኢኩ፡ እስከ፡ መጽኦ፡ ዝኩ፡ ብእሲ፡ ዘጸሐፈ፡ አስማቲሆሙ፡ ለኖሎት፡ ወያዐርግ፡
 ቅድሜሁ፡ ለእግዚአ፡ አባግዕ፡ ወውእቱ፡ ረድኦ፡ ወአርአዮ፡ ኩሎ፡ ወረደ፡ ረድኤቱ፡
 ለዝኩ፡ ዳቤላ።
 ወርኢኩ፡ እስከ፡ መጽኦ፡ ኅቤሆሙ፡ ዝኩ፡ እግዚአ፡ አባግዕ፡ በመዐት፡ ወእለ፡ ርእይዎ፡
 ኩሎሙ፡ ኅፍጹ፡ ወወድቁ፡ ኩሎሙ፡ ውስተ፡ ጽላሎቱ፡ እምቅድመ፡ ገጹ።
 ኩሎሙ፡ አንስርት፡ ወአውሰት፡ ወቋዓት፡ ወሆባይ፡ ተጋብኡ፡ ወአምጽኡ፡ ምስሌሆሙ፡
 ኩሎ፡ አባግዕ፡ ገዳም፡ ወመጽኡ፡ ኩሎሙ፡ ኅብረ፡ ወተራድኡ፡ ከመ፡ ይቀጥቅጥዎ፡
 ለዝኩ፡ ቀርኑ፡ ዳቤላ።
 ወርኢክዎ፡ ለዝኩ፡ ብእሲ፡ ዘይጽሕፍ፡ መጽሐፈ፡ በቃለ፡ እግዚእ፡ እስከ፡ ፈትሐ፡
 ለውእቱ፡ መጽሐፈ፡ ሐጉል፡ ዘአሕጉሎ፡ እልኩ፡ ፫ ወ ፪ ፍላጎት፡ ደጋርያን፡ ወአርአዮ፡
 ከመ፡ ፈድፋደ፡ እምቅድሜሆሙ፡ አሕጉሎ፡ ቅድመ፡ እግዚአ፡ አባግዕ።
 ወርኢኩ፡ እስከ፡ መጽኦ፡ ኅቤሆሙ፡ እግዚአ፡ አባግዕ፡ ወነሥኦ፡ በእዱ፡ በትረ፡ መዐት፡
 ወዘበግ፡ ለምድር፡ ወተሰጠት፡ እድር፡ ወኩሎሙ፡ አራዊት፡ ወአዕዋፈ፡ ሰማይ፡ ወድቁ፡
 እምእልኩ፡ አባግዕ፡ ወተሠጥሙ፡ በምድር፡ ወተከድነት፡ ዲቤሆሙ።
 ወርኢኩ፡ እስከ፡ ተውህበ፡ ለአባግዕ፡ ሰይፍ፡ ዐቢይ፡ ወወጽኡ፡ አባግዕ፡ ዲበ፡ እሉ፡
 አራዊተ፡ ገዳም፡ ከመ፡ ይቅትልዎሙ፡ ወኩሎሙ፡ አራዊት፡ ወአዕዋፈ፡ ሰማይ፡ ኅፍጹ፡
 እምቅድመ፡ ገጹ።
 ወርኢኩ፡ እስከ፡ መንበር፡ ተሐንጸ፡ በምድር፡ ሐዋዝ፡ ወነበረ፡ ዲቤሁ፡ እግዚአ፡ አባግዕ፡
 ወነሥኦ፡ ኩሎ፡ መጸሕፍተ፡ ኅቱማተ፡ ወፈትሐን፡ ለእማንቱ፡ መጸሕፍት፡ በቅድመ፡ እግ
 ዚአ፡ አባግዕ።
 ወጸውዎሙ፡ እግዚእ፡ ለእኩ፡ ፯ ጸዓ ድው፡ ቀዳማውያን፡ ወአዘዘ፡ ከመ፡ ያምጽኡ፡
 ቅድሜሁ፡ እምኮከብ፡ ቀዳማዊ፡ ዘይቀድም፡ እምነ፡ እልኩ፡ ከዋክብት፡ እለ፡ ኅፍረቶሙ፡
 ከመ፡ ኅፍረተ፡ አፍራስ፡ ወለኮከብ፡ ቀዳማዊ፡ ዘወድቀ፡ ቅድመ፡ ወአምጽእዎሙ፡
 ለኩሎሙ፡ ቅድሜሁ።
 ወይቤሎ፡ ለዝኩ፡ ብእሲ፡ ዘይጽሕፍ፡ በቅድሜሁ፡ ዘውእቱ፡ ፩ እምነ፡ ፯ ጸዓ ድው፡
 ወይቤሎ፡ ንሥኦሙ፡ ለእሉ፡ ፪ ፍላጎት፡ እለ፡ መጠውክዎሙ፡ አባግዕ፡ ወነሥሊኦሙ፡
 ቀተሉ፡ ብኩኅ፡ እምዘ፡ አዘዘክዎሙ፡ እሙንቱ።
 ወናሁ፡ ኩሎሙ፡ እሁራን፡ ርኢኩ፡ ወቆሙ፡ ቅድሜሁ፡ ኩሎሙ።

ወኩነኔ፡ ኮነ፡ ቅድመ፡ እምከዋክብት፡ ወተኩነኔ፡ ወኩነ፡ ጎጥኣነ፡ ወሐሩ፡ መካነ፡ ኩነኔ፡ ወወደይዎሙ፡ ውስተ፡ ዕሙቅ፡ ወምሉእ፡ እሳተ፡ ወይልብህ፡ ወምሉእ፡ ዐምደ፡ እሳት፡ ወእልኩ፡ ፎኖላውያን፡ ተኩነኔ፡ ወኩነ፡ ጎጥኣነ፡ ወተወደደ፡ እሙንቱ፡ ውስተ፡ ዝኩ፡ ማዕምቀ፡ እሳት፡፡

ወርኢኩ፡ በውእቱ፡ ጊዜ፡ ከመ፡ ተርኅወ፡ ፩ ማዕምቅ፡ ከማሁ፡ በማእከለ፡ እድር፡ ዘምሉዕ፡ እሳተ፡ ወአምጽእዎሙ፡ ለእልኩ፡ አባግዕ፡ ጽሉላን፡ ወተኩነኔ፡ ኩሎሙ፡ ወኩነ፡ ጎጥኣነ፡ ወተወደደ፡ ውስተ፡ ዝኩ፡ ዕመቀ፡ እሳት፡ ወውዕዩ፡ ወዝንቱ፡ ማዕምቅ፡ ኮነ፡ በየማኑ፡ ለዝኩ፡ ቤት፡፡

ወርኢክዎሙ፡ ለእልኩ፡ አባግዕ፡ እንዘ፡ ይውዕዩ፡ ወአዕፅምቲሆሙ፡ ይውዒ፡፡ ወቆምኩ፡ እርአይ፡ እስከ፡ ጠምዖ፡ ለዝኩ፡ ቤት፡ ብሉይ፡ ወአውጽእዎሙ፡ ለኩሎሙ፡ አዕማድ፡ ወኩሉ፡ ተክሉ፡ ወስኑ፡ ለውእቱ፡ ቤት፡ ተጠውመ፡ ምስሌሁ፡ ወአውጽእዎ፡ ወወደይዎ፡ በ፩ መካን፡ በየማኑ፡ እድር፡፡

ወርኢኩ፡ እግዚአ፡ አባግዕ፡ እስከ፡ አምጽኦ፡ ቤተ፡ ሐዲሰ፡ ወዐቢዮ፡ ወልዑለ፡ እምነ፡ ዝኩ፡ ቀዳማይ፡ ወአቀሞ፡ ውስተ፡ መካነ፡ ቀዳሚት፡ እንተ፡ ተጠብለለት፡ ወኩሎሙ፡ አዕማደ፡ ዚአሃ፡ ሐዲሳን፡ ወስኖ፡ ሐዲሰ፡ ወዐቢይ፡ እምቀዳሚት፡ ብሊት፡ እንተ፡ አውጽኦ፡ ወኩሎሙ፡ አባግዕ፡ ማእከላ፡፡

ወርኢክዎሙ፡ ለኩሎሙ፡ አባግዕ፡ እለ፡ ተርፉ፡ ወኩሎሙ፡ እንሰሳ፡ ዘዲበ፡ እድር፡ ወኩሎሙ፡ አዕዋፈ፡ ሰማይ፡ ይወድቁ፡ ወይሰግዱ፡ ለእልኩ፡ አባግዕ፡ ወያስተበቀዕዎሙ፡ ወይሰምዕዎሙ፡ በኩሉ፡ ቃል፡፡

ወእምኔሁ፡ እልኩ፡ ፫እለ፡ ይሉብሉ፡ ጸዐዳ፡ ወአኅዙኒ፡ በእዴዮ፡ እለ፡ ቀዲሙ፡ አዕረጉኒ፡ ወእዴሁ፡ ለውእቱ፡ ዳቤላ፡ እንዘ፡ ትእኅዙኒ፡ አዕረጉኒ፡ ወአንበሩኒ፡ ማእከሎሙ፡ ለእልኩ፡ አባግዕ፡ እንበለ፡ ትኩን፡ ኩነኔ፡፡

ወእልኩ፡ አባግዕ፡ ኮነ፡ ኩሎሙ፡ ጸዐዳ፡ ወጸጉረ፡ ዚአሆሙ፡ ዐቢይ፡ ወንጹሕ፡፡ ወኩሎሙ፡ እለ፡ ተሐጉሉ፡ ወተዘርዘሩ፡ ወኩሉ፡ አራዊተ፡ ገዳም፡ ወኩሉ፡ አዕዋፈ፡ ሰማይ፡ ተጋብኡ፡ በውእቱ፡ ቤት፡ ወእግዚአሙ፡ ለአባግዕ፡ ተፈሥሐ፡ ዐቢዮ፡ ፍሥሐ፡ እስመ፡ ኮነ፡ ኩሎሙ፡ ኔራኅ፡ ወገብኡ፡ ውስተ፡ ቤቱ፡፡

ወርኢኩ፡ እስከ፡ አስከብዎ፡ ለውእቱ፡ ሰይፍ፡ ዘተውህበ፡ ለአባግዕ፡ ወአግብእዎ፡ ውስተ፡ ቤቱ፡ ወኅተማ፡ ቅድመ፡ ገጹ፡ ለእግዚእ፡ ወኩሎሙ፡ አባግዕ፡ ተዐጽው፡ በውእቱ፡ ቤት፡ ወኢያግመሮሙ፡፡

ወአዕይንቲሆሙ፡ ለኩሎሙ፡ ተከሥታ፡ ወይኔጽሩ፡ ሠናዮ፡ ወ ፩ እምኔሆሙ፡ ዘኢይሬኢ፡ አልቦ፡ በማእከሎሙ፡፡

ወርኢኩ፡ ከመ፡ ኮነ፡ ውእቱ፡ ቤት፡ ዐቢዮ፡ ወርኅበ፡ ወምሉእ፡ ፈድፋድ፡፡

ወርኢኩ፡ ከመ፡ ተወልደ፡ ፩ ላህም፡ ጸዐዳ፡ ወአቅርንቲሁ፡ ዐቢይት፡ ወኩሎሙ፡ አራዊተ፡ ገዳም፡ ወኩሉ፡ አዕዋፈ፡ ሰማይ፡ ይፈርህዎ፡ ወያስተበቀዕዎ፡ በኩሉ፡ ጊዜ፡፡

ወርኢኩ፡ እስከ፡ ተወለጠ፡ ኩሉ፡ አዝማዲሆሙ፡ ወኩነ፡ ኩሎሙ፡ አልህምተ፡ ጸዓድወ፡ ወቀዳማዊ፡ በማእከሎሙ፡ ኮነ፡ ነገረ፡ ወውእቱ፡ ነገር፡ ኮነ፡ አርጭ፡ ዐቢዮ፡ ወቦ፡ ውስተ፡ ርእሱ፡ አቅርንት፡ ዐቢያት፡ ወጸሊማት፡ ወእግዚአ፡ አባግዕ፡ ተፈሥሐ፡ ዲቤሆሙ፡ ወዲበ፡ ኩሎሙ፡ አልህምት፡፡

ወአነ፡ ሰከብኩ፡ ማእከሎሙ፡ ወነቃሕኩ፡ ወርኢኩ፡ ኩሎ፡፡ ወዝንቱ፡ ውእቱ፡ ራእይ፡ ዘርኢኩ፡ እንዘ፡ እሰክብ፤ ወነቃሕኩ፡ ወባረክዎ፡ ለእግዚአ፡ ጽድቅ፡ ወሎቱ፡ ወሀብኩ፡ ስብሐተ፡፡

ወእምኔሁ፡ በከይኩ፡ ዐቢዮ፡ ብካዮ፡ ወአንብዕዮ፡ ኢቆመ፡ እስከ፡ ኢክህልኩ፡ ተዕግሦተ፡ ሰበ፡ እሬኢ፡ ይወርዱ፡ ዲበ፡ ዝኩ፡ ዘርኢኩ፡ እስመ፡ ኩሉ፡ ይመጽእ፡ ወይትፈጸም፡ ወኩሉ፡ በበ፡ ክፍሉ፡ ምግባረ፡ ሰብእ፡ ተርእዮ፡ ሊተ፡፡

ወበይእቲ፡ ሌሊት፡ ተዘከርክዎ፡ ለሕልምዮ፡ ቀዳማዊ፡ ወበእንቲአሁ፡ በከይኩ፡ ወተሀወኩ፡ እስመ፡ ርኢኩ፡ ውእተ፡ ራእዮ፡፡